

Bi 2015 Hawyw Cungguk·Cingsih Haihaw Hoenghhwd

2015 年中国·靖西端午药市展独特魅力

□Bonjbauq gicej Suh Gyahgvai



▲Dunhbanz Yangh caeuq Yozhih Cin deng soengq hawj gaiq baiz miznaj.

▲Yenveij fusuhgi guh ciswz.

◀Aen yizsi Ywcuengh haidou yienhciengz.

Bi 2015 hawyw Cungguk·Cingsih youq ngoenz 6 nyied 20 hauh haihaw, yenveij fusuhgi Yangz Sicoz guh ciswz.

Haihaw ngoenzde, ndaw haw baijgai goyw ndaw doengh ndaw lueg lairauh. Gak dieg canghbuenqyw foenfoen daeuj genj cawx. Ndaw haw miz canghbuenqyw caeuq giyez gai yw 350 lai gya, miz 5 fanh lai vunz(baez) camgya, 2000 lai aen dan baij gai yw, caemhcai q baez daih' it yinx Yinghgoz, Majlaizsihya, Menjden, Genjbujcai, Laujvoh daengj guekgya yihozgai lingjdauij nem conghyah daeuj camhaeuij ndawde bae dem.

Cingsih Yen diegyouq Yinz Gvei Gauhyenz henzbien baih doengnamz, seizdoeng mbwn mbouj nit, seizhah mbwn mbouj ndat, gig hab goyw sengmaj. Ciuq dunggi, daengx yienh miz 3000 lai cungj goyw. Daihiek ciemq daengx gih doengh go ywyungh sam faenh cih it, ndawde miz haujlai binjcong noix raen haenx deng lied haeuij ndaw guekgya cungdenj baujhoh bae.

Hawyw Cingsih dwg youq Dangzcauz Sungcauz seizgeiz hainduj banhguh, daengz Mingzcauz caeuq Ginhcauz banh ndaej cei q hoengh, daengz seizneix gaenq miz baenz cien bi lizsij lo. Moix bi liggaueuq ngux nyied co'ngux, Cingsih dangdieg

caeuq henzbien Nazboh, Dwzbauj, Dasinh caeuq Yinznanz Funingz Yen daengj dieg gyoengq bouxdaemyw, bouxgaiyw foenfoen ra aeu gak cungj goyw daeuj daengz Cingsih Yienhsingz gaicawx, dwg gij daegsaek yihoz vwnzva gyoengq Bouxcuengh fungsug daegbied ndeu, deng lied haeuij swcigih gaep feihvuzciz vwnzva yizcanj mingzloeg ndawde bae. Daegbied dwg gaenh 10 bi daeuj, youq cwngfuj dazyinx lajde, hawyw ngux nyied co'ngux gveihmoz mboujduenh bongqhung, moix bi gipyinx geij fanh beksingq daeuj camhaeuij hawyw bae, gaicawx doengh goyw cungjloih dabdaengz 1000 lai cungj, guhbaenz gaicawx mauhgvaq 400 dunh, cujyau goyw miz lingzcih, gaewledgaeq, dienzcaet, hozsoujvuh, vagimngaenz, seyangh, aekez, vuengzcungq daengj. Danhseih mbouj miz saek aen gveihfan guding ciengzsoj, mbouj baenz maz gveihmoz, hanhhaed goyw canjyez fazcanj haemq youqgaenj.

Vih hawj hawyw guh ndaej baenz hai ndaej baenz, youq bi 2013, ndaw yienh doenggvaq ciu hek yinx ngaenz, doeklaeng yinxhaeuij "Lozhoh Cunghyozsingz" ndaej baenzgoeng. Aen hanghmoeg neix gyonj roengzngaenz 11 ik maenz ngaenz, ciemq dieg menciz 427 moux, gyonj gencuz menciz 50 lai fanh

bingzfuengmij. Dangqnaj gaenq miz 70 lai gya canghbuenqyw daeuj cabyouq Cingsih, caemhcai q miz Gvangjcouh Cingdaz Douzswih Fazcanj Gunghswih, Ningzboh Cunghyoz Ciyoz Youjhan Gunghswih 2 gya giyez siengj daeuj Cingsih guh gyagoeng goyw.

Seizneix, Cingsih daengx yienh goyw canjyez daj conzdungj canjyez iq faensanq ndaem yw haenx cingq deng baenzbenq sifan gihdi daeuj daiqlawh. Daj 2010 nienz ndaem 260 moux daengz bi 2014 ndaem daengz 4793 moux, ndaem godienzcaet menciz cingq cugciemh mbehung, dienzcaet canjlieng hix youz 2010 nienz 39 dunh swng hwnj daengz 2014 nienz 390 dunh, fan baenz 10 boix. Daengz 5 nyied daej, daengx yienh ndaem goyw cujyau miz godienzcaet, gienghenj, batgak, vagimngaenz daengj 40 lai cungj, menciz dabdaengz 4.38 fanh moux, ndawde ndaem godienzcaet menciz 4796 moux. Gaenq laebbaenz ndaem goyw conhyez hozcozse 6 gya, laebbaenz lienzenq ndaem goyw sifan gihdi 15 aen, goyw canjyez fazcanj gaenq baenz le aen daegsaek youhsi canjyez gyoengq nungzminz Cingsih demgya souhaeuij ndeu, caemhcai q mizrengz dwk bae doidoengh daengx yienh daegsaek lijyouzyez fazcanj.



▲Gak gyaig lingjdauij caeuq hekbengz naengh ndaw hoikciengz.



▲Canghyw mizmingz Bouxcuengh bang beksingq duengq bingh.



▲Gomaknguh ndaw Luengdat Dunghlingz.



▲Gomaklangz ndaw Luegdat Dunghlingz.



▲Cawx yw dauqma.



▲Hawyw baijgai gak ndeu.